



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2448/15
Breza, 28.01.2016 godine

Na osnovu člana 19. tačka 25. Statuta Općine Breza ("Službeni glasnik Općine Breza", broj 8/09 – Prečišćeni tekst) i člana 48. Poslovnika o radu Općinskog vijeća Općine Breza ("Sl.glasnik Općine Breza", broj 3/11 – Prečišćeni tekst), Općinsko vijeće Breza, na sjednici održanoj dana 28.01.2016. godine, donosi:

PROGRAM RADA **Općinskog vijeća Općine Breza za 2016. godinu**

UVOD

I

U skladu sa pravima i obavezama utvrđenih u Ustavu Federacije BiH, Ustavu Zeničko-dobojskog kantona, zakonima, Statutom Općine Breza (u daljem tekstu Statut) i Poslovniku o radu Općinskog vijeća Breza (u daljem tekstu Poslovnik), Općinsko vijeće Breza (u daljem tekstu: Vijeće) utvrđuje Program rada vijeća za 2016. godinu koji obuhvata period januar-decembar 2016. godine.

Ovim Programom rada Vijeće utvrđuje ciljeve, aktivnosti i djelovanja u skladu sa svojim nadležnostima i djelokrugom poslova i zadataka predviđenih u Ustavu, zakonu, Statutu i Poslovniku Vijeća.

Program rada Vijeća sadrži zadatke Vijeća koji proizilaze iz Ustava, zakona, utvrđene politike ekonomskog razvoja Općine i Kantona, kao i druge poslove i zadatke u rješavanju značajnih društvenih pitanja od neposrednog interesa za život građana Općine Breza.

Vijeće će razmatrati pitanja i akte koje predlaže općinski načelnik i nadležne općinske službe, vršiti izbor i imenovanja, program rada će biti otvoren i za druga pitanja i inicijative koja bude nametala svakodnevna potreba za njihovo razmatranje iz nadležnosti općinskog vijeća, kao predstavničkog organa općine.

Svi organi, organizacije i pojedinci na čiji se djelokrug rada naslanja Program rada Vijeća dužni su da u svojim programima preuzmu one planirane aktivnosti na čijoj će realizaciji raditi i time doprinijeti neposrednoj i potpunoj realizaciji ovog Programa.

Predsjedavajući općinskog vijeća, općinski načelnik i rukovodeći državni službenici dužni su da blagovremeno i sa najvišim stepenom profesionalnosti poduzimaju aktivnosti na realizaciji ovog Programa rada i redovno ažuriraju izvršenje Programa i informišu općinsko vijeće o realizaciji Programa.

OPĆI DIO

1. ZAŠTITA LJUDSKIH PRAVA

Ustavna obaveza svih nosilaca vlasti u Bosni i Hercegovini je da obezbijede najveći nivo ostvarivanja ljudskih prava i osnovnih sloboda u skladu sa međunarodnim standardima.

Imajući u vidu poseban značaj Evropske konvencije za zaštitu ljudskih prava i osnovnih sloboda sa odgovarajućim protokolima, koji se prema Ustavu BiH direktno primjenjuju i imaju prioritet nad svim drugim zakonima kao i Statutom, Općinsko vijeće će i dalje poštivati i izvršavati obaveze koje iz nje proizilaze.

Dokumentima Općine, prije svega Statutom i Poslovníkom uređena su bitna pitanja koja se odnose na ljudska prava, slobode i njihovu zaštitu.

U skladu sa odredbama Zakona o ravnopravnosti spolova u BiH Vijeće će poduzeti sve odgovarajuće potrebne mjere radi provedbe odredbi propisanih zakonom.

2. PRIVREDA I ZAPOŠLJAVANJE

Kao glavno težište svoje politike određuje se privredni razvoj općine i u tom smislu Vijeće će se u narednom periodu zalagati na stavljanje pod upravu općine Breza svih prirodnih resursa koji se nalaze na njezinom području s ciljem pribavljanja finansijskih sredstava koja će se u najvećoj mjeri uložiti u svrhu zapošljavanja.

Vijeće će se u programskom periodu, u okviru nadležnosti zalagati i poduzeti aktivnost na stvaranju što povoljnijeg ambijenta u cilju ulaganja domaćeg i stranog kapitala na području Općine i njen strateški razvoj u oblasti industrije, zanatstva, poljoprivrede, turizma, prostornog i komunalnog uređenja i zaštite i unapređenja čovjekove okoline.

Vijeće će se pridružiti aktivnostima Saveza općina i gradova na iniciranju donošenja zakona od strane nadležnih organa F BiH i Zeničko-dobojskog kantona kako bi se Zakon o principima lokalne samouprave u F BiH implementirao u cjelosti.

Posebna pažnja će se posvetiti lokalnom ekonomskom razvoju i ustrajati u podršci poljoprivrednog sektora sa naglaskom na podršku u radu poljoprivrednih udruženja, kao i individualne poljoprivredne proizvođače u ostvarivanju prava na podsticaj kako od strane općine tako i sa viših nivoa vlasti.

3. POSLOVI PROSTORNOG UREĐENJA, KOMUNALNI POSLOVI I ODNOS PREMA OKOLINI

Oblast prostornog uređenja je jedna od bitnijih djelatnosti Općine. Zakonom o prostornom uređenju utvrđene su nadležnosti Općine u ovoj oblasti, a naročito da Vijeće predhodno odlučuje o pristupanju izradi, odnosno izmjenama i dopunama planova prostornog uređenja kao temeljnih akata razvoja Općine, utvrđuje nacрте dokumenata prostornog planiranja koje stavlja na javnu raspravu i na osnovu rezultata provedene javne rasprave razmatra prijedloge planova i iste donosi.

Vijeće će se zalagati za racionalno korištenje građevinskog zemljišta putem izrade industrijske zone, planiranjem prostora za kolektivnu i individualnu stambenu izgradnju i uređenje građevinskog zemljišta.

Općinsko vijeće će voditi aktivnu politiku i preduzimati potrebne mjere štiteći interese općine Breza, na zaštiti prirodnih resursa na području općine Breza i u postupku određivanja zaštićenih područja i zalagati se da lokalna zajednica, kao i područja na kojima se eksploatišu prirodni resursi, koji imaju adekvatnu naknadu.

4. BORAČKO - INVALIDSKA ZAŠTITA

Vijeće će u okviru svoje nadležnosti učestvovati u rješavanju problema boračke populacije, i u tom smislu pratiti provođenje opštih akata kojima se reguliše ostvarivanje prava po osnovu kantonalnog Zakona o dopunskim pravima branilaca i njihovih porodica.

Vijeće će razmatrati Informaciju o materijalnom položaju korisnika ličnih, invalidskih i porodičnih penzija na području općine i Informaciju o ostvarivanju prava i o socijalno statusnom staranju teških RVI, paraplegičara i korisnika tuđe njege.

5. POSLOVI UPRAVE, BUDŽET I FINANSIJA

Vijeće će u ovom periodu razmatrati i donositi odgovarajuće akte u vezi sa donošenjem Budžeta i njegove realizacije. Takođe će se razmatrati i izvještaji o realizaciji Budžeta

Aktivnost Vijeća bit će usmjerena na dosljedno sprovođenje ustanovnosti, zakonitosti i na poboljšanje usluga vezanih za zahtjeve građana.

Posebna pažnja posvetit će se odnosu službi prema građanima i ažurnosti rješavanja zahtjeva građana, a posebno u poštivanju zakona i podzakonskih i drugih akata.

Nastavit će se sa praksom obezbjeđenja uslova da općinske službe rade kao servis građana i poreskih obveznika, pri tom dajući puni značaj funkcionisanju uspostavljene "Šalter sale".

6. POSLOVI U OBLASTI OBRAZOVANJA, KULTURE I SPORTA

Vijeće će nastojati da u najvećoj mogućoj mjeri osigura lokalne potrebe stanovništva u oblasti brige o djeci, obrazovanju i odgoju, kulturi, fizičkoj kulturi i sportu, sa osvrtom na ruralna (seoska) područja.

a) Obrazovanje

Obrazovanje i odgoj djece u okviru predškolskog odgoja, osnovnog i srednjeg obrazovanja, kao djelatnosti od posebnog društvenog interesa, biće u 2016. godini jedan od prioriteta podrške od strane Vijeća.

Vijeće će putem nadležnog organa uprave pratiti promjene u obrazovanju kako bi se obezbijedilo ispunjavanje pedagoških standarda srednje i osnovne škole u Brezi.

Vijeće će inicirati provođenje aktivnosti na suzbijanju maloljetničke delikvencije, odvracanje od pušenja, alkoholizma, toksikomanije i upotrebe droge i drugih poroka u školama. Stimulisat će sve vidove i oblike amaterskog, fakultativnog i vannastavnog rada, uz kontinuiranu edukaciju djece i roditelja.

Neophodno je preventivno djelovati, zaokupiti pažnju i organizirati takve aktivnosti kojim će se mladi kroz razne vidove edukacija, sportskih i kulturnih aktivnosti, razmjenama iskustava kroz međunarodnu, međuopćinsku i međureligijsku saradnju, koristeći stečena iskustva drugih sredina, uspješno organizovati u borbi protiv svih negativnih pojava u društvu.

b) Kultura

Općinsko vijeće će svoje aktivnosti iz domena ove oblasti poduzimati u cilju poboljšanja razvoja kulture Općine Breza u 2016.godini.

Podržat će se amaterizam kao oblik masovnog okupljanja svih generacija, a naročito djece i omladine u okviru udruženja građana i kroz pojedine projekte.

c) Sport i fizička kultura

Programski planovi masovnije fizičke kulture provode se uglavnom kroz rad Sportskog saveza koji okuplja sportske klubove. Sadržaji i tereni u krugu škola uglavnom su uređeni ili su u procesu uređenja ali su tereni u određenim mjesnim područjima nedovoljni i neuslovni, tako da će se nastaviti aktivnosti na poboljšanju uslova u ovoj oblasti u mjesnim područjima. Općinsko vijeće će i dalje podržavati rad Sportskog saveza, sportskih klubova kroz obezbjeđenje značajne materijalne osnove.

U skladu sa odlukama Općinskog vijeća vezanim za izgradnju sportske dvorane u Brezi u 2016.godini će se nastaviti realizacija projekta izgradnje Sportske dvorane u Brezi, a u cilju zadovoljavanja potreba većeg broja sportova i većine građana.

7. IMOVINSKO-PRAVNI I GEODETSKI POSLOVI

Općinsko Vijeće će posebnu pažnju posvetiti:

- Preuzimanju i dodjeli zemljišta u svrhu građenja u skladu sa Zakonom o građevinskom zemljištu i Zakonom o prostornom uređenju;
- Praćenju realizacije Odluke o prodaji zemljišta i privođenje trajnoj namjeni prodatih parcela;
- Praćenju upisa prava na nekretninama u katastarsko-knjižne i zemljišno knjižne evidencije;
- Provedbi Odluke o određivanju građevinskog zemljišta;

Vijeće će na osnovu Zakona o građevinskom zemljištu donositi potrebne akte u prvom redu odluke o preuzimanju zemljišta za potrebe provođenja dokumenata prostornog uređenja i o utvrđivanju opšteg interesa za izgradnju i rekonstrukciju lokalnih puteva i drugih objekata infrastrukture.

8. OBLAST ZAŠTITE I SPAŠAVANJA

U oblasti zaštite i spašavanja ljudi i materijalnih dobara od prirodnih i drugih nesreća, aktivnost Vijeća će biti usmjerena ka funkcionisanju sistema civilne zaštite u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“ broj 39/03 i 22/06) i Zakona o zaštiti od požara i vatrogastvu („Službene novine FBiH“ broj 66/09) uz pružanje materijalne i finansijske podrške za nabavku potrebnih sredstava za podršku ostvarivanju programskih ciljeva.

Posebna pažnja će se posvetiti pitanju jačanja protupožarne zaštite na području općine Breza i poduzimati aktivnosti na otklanjanju šteta uzrokovanih požarom u 2016.godini.

Vijeće podržava da se ova oblast normativno uredi i uskladi sa važećim propisima.

9. OBLAST OSTVARIVANJA ZAKONITOSTI U RADU

Vijeće će razmatrati godišnji Izvještaj općinskog načelnika i službi za upravu kao i Izvještaj o radu radnih tijela Vijeća koja su u okviru svoje nadležnosti pratila i razmatrala rad izvršnog organa općine i predlagati mjere za unaprijeđenje kvaliteta rada uprave.

Općinsko vijeće očekuje da se posebna pažnja posveti zakonitosti u radu općinskog vijeća i njegovih radnih tijela kao i općinskog načelnika i službi za upravu.

10. SOCIJALNA POLITIKA

U skladu sa važećim propisima, nadležnom organu Općine i JU Centar za socijalni rad Breza povjereni su poslovi i zadaci iz oblasti socijalne zaštite kroz zaštitu porodice sa djecom, zaštite prava civilnih žrtava rata, poslovi vezani za raseljena lica, izbjeglice, poslovi za realizaciju povremenih humanitarnih programa pomoći, informaciono-dokumentacioni i administrativni poslovi, o čemu Vijeće traži redovno informisanje. Pitanje zbrinjavanja starih i iznemoglih općina će i dalje rješavati kroz finansiranje rada JU Centar za socijalni rad Breza.

11. ZDRAVSTVENA ZAŠTITA

Vijeće će u okviru svoje nadležnosti, razmatrati Informaciju o stanju i problemima u oblasti primarne zdravstvene zaštite na području Općine, iz koje će se prepoznati pravci prevazilaženja problema i slabosti koje prate ovu oblast na području Općine Breza, a uz punu saradnju sa JU Dom zdravlja Breza, te putem viših organa vlasti nastaviti na rješavanju liječenja građana Općine Breza u Kliničkom centru Univerziteta Sarajevo.

12. INFORMISANJE

U cilju informisanja građana na području općine o radu Vijeća i njegovih radnih tijela u narednom periodu, Vijeće će i dalje redovno saradivati sa sredstvima javnog informisanja, kako na lokalnom nivou, tako i šire.

Vijeće će u okviru svoje nadležnosti putem Općinskog načelnika i službi tražiti redovno informisanje građana, izradu potrebnog informativnog materijala koji će se učiniti dostupnim građanima u najvećoj mogućoj mjeri.

13. SARADNJA SA DRUGIM OPĆINAMA I MEĐUNARODNA SARADNJA

Vijeće će nastaviti sa otvorenom politikom saradnje sa svim potencijalnim parnterima u oblasti privrede, nauke, sporta i kulture.

Potrebno je uspostaviti što tješnju saradnju u okviru Saveza općina i gradova Federacije Bosne i Hercegovine koji predstavlja jedan od instrumenata ostvarivanja prava iz samoupravnog djelokruga općina.

Podržati saradnju Općine Breza u projektima prekogranične saradnje u cilju dobijanja sredstava IPA fondova.

II – SADRŽAJ PROGRAMA

U 2016. godini Općinsko vijeće će razmatrati:

A – Oblast lokalne samouprave i uprave

1. Zaključak o vođenju postupka za dodjelu javnih priznanja Općine Breza za 2015. godinu.

Nosilac izrade: Predsjedavajući Općinskog vijeća i Komisija za odlikovanja i općinska priznanja

Predlagač: Općinsko vijeće

Rok: februar 2016. godine

2. Odluka o općinskim priznanjima.

Nosilac izrade: Stručna služba Općinskog vijeća

Predlagač: Komisija za odlikovanja i općinska priznanja

Rok: mart 2016. godine

III - NORMATIVNO-PRAVNI POSLOVI**B - Oblast finansija****1. Odluka o izgradnji, korištenju, održavanju, zaštiti i rekonstrukciji nerazvrstanih cesta i poslovi nadzora na tim cestama za 2016.godinu.**

Nosilac izrade: Služba za privredu..

Predlagač: Služba za privredu.

Rok: april 2016.godine

2. Odluka o kalkulativnim parametrima za obrazovanje cijena komunalnih usluga, normativima rada i utrošku materijalnih sredstava.

Nosilac izrade: Služba za privredu.

Predlagač: Služba za privredu.

Rok: maj 2016.godine

3. Odluka o tarifnom sistemu kao osnovi za naplatu komunalnih usluga.

Nosilac izrade: Služba za privredu.

Predlagač: Služba za privredu.

Rok: juni 2016.godine

4. Budžet Općine Breza za 2017.godinu

Nosilac izrade: Služba za finansije, inspekcijske poslove i opću upravu

Predlagač: Općinski načelnik

Rok: nacrt - novembar 2016. godine

prijedlog - decembar 2016. godine

5. Odluka o izvršavanju Budžeta Općine Breza za 2017. godinu

Nosilac izrade: Služba za finansije, inspekcijske poslove i opću upravu

Predlagač: Općinski načelnik

Rok: prijedlog – decembar 2016. godine

C) – Oblast prostornog uređenja, komunalne djelatnosti i zaštite čovjekove okoline.

1. Program obavljanja komunalnih usluga zajedničke komunalne potrošnje.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: februar 2016. godine

2. Odluka o vrijednosti cijene 1 m² stambenog prostora na Općini Breza.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: februar 2016. godine

3. Odluka o visini naknade za uspostavljanje prava služnosti na zemljištu u državnom vlasništvu kojim upravlja i raspolaze Općine Breza.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: mart 2016. godine

4. Usvajanje nacrtu i donošenje zaključka o provođenju javne rasprave o izmjenama i dopunama Prostornog plana općine Breza

Nosilac izrade: Općinsko vijeće, služba za prostorno uređenje, zaštitu okolice, geodetske i imovinsko-pravne poslove.

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: mart 2016. godine

5. Usvajanje nacrtu i donošenje zaključka o provođenju javne rasprave o izmjenama i Dopunama regulacionog plana „Centar“

Nosilac izrade: Općinsko vijeće, Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: april 2016

6. Usvajanje nacrtu i donošenje zaključka o provođenju javne rasprave o izmjenama i Dopunama Regulacionog plana industrijska zona „Potkraj

Nosilac izrade: Općinsko vijeće, Služba za prostorno uređenje, zaštitu Okolice, geodetske i imovinsko-pravne poslove.

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: april 2016. godine

7. Usvajanje prijedloga i Odluke o provođenju izmjena i dopuna Regulacion. plana „Centar“

Nosilac izrade: Općinsko vijeće, Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: juni 2016. godine

8. Usvajanje prijedloga i Odluke o provođenju izmjena i dopuna Prostornog plana Općine Breza

Nosilac izrade: Općinsko vijeće, služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: juli 2016. godine

9. Usvajanje prijedloga i Odluke o provođenju Regulacionog plana industrijska zona „Potkraj“

Nosilac izrade: Općinsko vijeće, Služba za prostorno uređenje, zaštitu Okolice, geodetske i imovinsko-pravne poslove.

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: juni 2016. godine

**10. Usvajanje nacrtu i donošenje zaključka o provođenju javne rasprave za
Regulacioni plan Dio užeg urbanog područja grada Breza**

Nosilac izrade: Općinsko vijeće, Služba za prostorno uređenje Zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok :novembar 2016.godine

**11. Donošenje rješenja o preuzimanju i dodjeli zemljišta u postupku rješavanja
vlasničko-pravnih odnosa iz nadležnosti Općinskog vijeća.**

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi

**12. Donošenje odluke o načinu i uslovima raspolaganja nekretninama
u vlasništvu Općine Breza.**

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi.

**13. Donošenje rješenja o utvrđivanju prava vlasništva na
gradskom građevinskom zemljištu.**

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi.

D – Studijsko-analitički i informaciono - dokumentacioni materijali

1. Program rada javnih ustanova za 2016. godinu.

Nosilac izrade: Služba za finansije, inspeksijske poslove i opću upravu i direktori javnih ustanova

Predlagač: Služba za privredu, finansije i opću upravu

Rok: februar - 2016. godine

**2. Informacija o stanju opšteg kriminaliteta i javnog reda i mira za 2015. godinu i
kvartalni izvještaj za 2016. godinu sa akcentom na maloljetničku delikvenciju.**

Nosilac izrade: Policijska stanica Breza

Predlagač: Predsjedavajući Općinskog vijeća

Rok: februar - za 2015. godinu,

Rok: za 2016. godinu – kvartalno, svakih šest mjeseci

3. Plan rada određenih komisija Općinskog vijeća za 2016.godinu.

Nosilac izrade: Predsjednici komisija i Stručna služba Općinskog vijeća

Predlagač: Predsjedavajući Općinskog vijeća

Rok: mart - april 2016.godine

4. Izvještaj o izvršenju Budžeta Općine Breza za 2015.godinu

Nosilac izrade: Služba za finansije, inspeksijske poslove i opću upravu

Predlagač: Općinski načelnik

Rok: april 2016.godine

5. Informacija o stanju boračkih populacija na području Općine Breza

Nosilac izrade: Služba za finansije, inspeksijske poslove i opću upravu-Odjeljenje BIZ-a,
Rok: april 2016. godine.

6. Izvještaj o radu Općinskog pravobranioca za 2015. godinu.

Nosilac izrade: Općinski pravobranilac
Predlagač: Općinski pravobranilac
Rok: maj 2016. godine

7. Izvještaj o radu organa mjesnih zajednica na području Općine Breza.

Nosilac izrade: Predsjednici savjeta MZ-a i Stručna služba MZ-a,
Rok: maj 2016. godine.

8. Izvještaj o zimskom održavanju lokalnih puteva na području Općine Breza u sezoni 2015/2016.godina.

Nosilac izrade: Služba za privredu i Služba za prostorno uređenje, zaštitu okolice, geodetske i imovinsko-pravne poslove.
Predlagač: Služba za privredu i Služba za prostorno uređenje, zaštitu okolice, geodetske i imovinsko-pravne poslove.
Rok: maj 2016.godine.

9. Izvještaj o radu javnih ustanova sa finansijskim izvještajem za 2015. godinu i izvještaj o radu upravnog odbora javnih ustanova.

Nosilac izrade: Služba za finansije, inspeksijske poslove i opću upravu i direktori javnih ustanova
Predlagač: Odjeljenje za privredu
Rok: juni 2016. godine

10. Izvještaj o poslovanju i finansijski izvještaj javnih preduzeća u 2015. godini i izvještaj o radu nadzornih odbora javnih preduzeća

Nosilac izrade: Služba za privredu
Rok: 30.juni 2016. godine

11. Program priprema i održavanja kulturnih, zabavnih i sportskih manifestacija koje se planiraju organizovati u 2016. godini.

Nosilac izrade: Služba za finansije,inspeksijske poslove i opću upravu
Predlagač: Općinski načelnik
Rok: juni 2016. godine

12. Izvještaj o realizaciji Programa rada Općinskog vijeća za 2016.godinu i zaključaka donesenih od strane Općinskog vijeća.

Nosilac izrade: Stručna služba Općinskog vijeća
Predlagač: Predsjedavajući Općinskog vijeća
Rok: izvještaj – juni i decembar 2016.godine

13. Polugodišnji i godišnji izvještaj o radu vijeća i vijećnika ocijenjen od strane građana i Odbora za provedbu Etičkog kodeksa vijećnika u Općinskom vijeću Breza.

Nosilac izrade: Stručna služba Općinskog vijeća
Predlagač: Predsjedavajući Općinskog vijeća
Rok: juli- decembar 2016.godine

14. Izvještaj o radu udruženja građana koja se finansiraju iz Budžeta Općine Breza.

Nosilac izrade: Udruženja građana
Rok: juli 2016.godine

15. Izvještaj o izvršenju Budžeta Općine Breza za prvih šest mjeseci 2016.godine.

Nosilac izrade: Služba za finansije, inspekcijske poslove i opću upravu.
Rok: juli 2016.godine.

16. Informacija o provođenju zdravstvene zaštite stanovništva na području Općine Breza u 2016. godini.

Nosilac izrade: JU Dom zdravlja Breza
Predlagač: Općinski načelnik
Rok: juli 2016. godine

17. Izvještaj Odjeljenje za inspekcijske poslove Općine Breza.

Nosilac izrade: Općinski inspektori
Rok: juli-decembar 2016.godine.

18. Izvještaj o stanju zapošljavanja na području Općine Breza te o broju nezaposlenih po kvalifikacionoj strukturi za 2015.godinu.

Nosilac izrade: Zajednica za zapošljavanje Breza
Predlagač: Općinsko vijeće
Rok: septembar 2016.godine.

19. Izvješta o stanju poljoprivrede i poticajnim mjerama za razvoj poljoprivrede na području Općine Breza.

Nosilac izrade: Služba za privredu
Rok: septembar 2016.godine.

20. Informacija o položaju mladih na području Općine Breza.

Nosilac izrade: Komisija za mlade i ravnopravnost spolova Općinskog vijeća
Predlagač: Općinski načelnik
Rok: septembar 2016. godine

21. Program preventivnih mjera na suzbijanju uživanja alkohola, droge i drugih opojnih sredstava mladih na području Općine Breza.

Nosilac zadatka: Služba za finansije, inspekcijske poslove i opću upravu i Komisija za pitanja mladih i ravnopravnost spolova
Predlagač: Služba za finansije, inspekcijske poslove i opću upravu
Rok: septembar 2016. godine

22. Izvještaj o stanju protiv požarne zaštite na području Općine Breza sa prijedlogom mjera.

Nosilac izrade: Služba Civilne zaštite
Rok: oktobar 2016.godine.

23. Strategija razvoja i održavanja lokalnih cesta i ulica u gradu i naseljima Općine Breza 2011-2021.godina.

Nosilac izrade: Služba za privredu
Predlagač: Općinski načelnik
Rok: oktobar 2016.godine

24. Ažuriranje Strategije razvoja Općine Breza 2006. – 2011.

zasnovane na poštivanju ljudskih prava i ažuriranje iste na period 2015-2020. g.

Nosilac: Služba za privredu,

Predlagač: Služba za privredu,

Rok: oktobar 2016. godine

25. Informacija o socijalnom i materijalnom položaju penzionera/umirovljenika na području Općine Breza

Nosilac izrade: Općinsko udruženje penzionera/umirovljenika Breza.

Rok: oktobar 2016.godine.

26. Informacija o stanju u oblasti kulture i sporta na području Općine Breza.

Nosilac izrade: Služba za finansije, inspekcijske poslove i opću upravu u saradnji sa Sportskim savezom Općine Breza

Predlagač: Služba za finansije, inspekcijske poslove i opću upravu

Rok: oktobar-novembar 2016. godine

27. Informacija o upisa učenika u prve razrede osnovnih i srednjih škola i o postignutim rezultatima u učenju i vladanju osnovnih i srednjih škola na području Općine Breza u školskoj 2016/2017.

Nosilac izrade: Služba za finansije, inspekcijske poslove i opću upravu

Predlagač: Služba za finansije, inspekcijske poslove i opću upravu

Rok: oktobar - septembar 2016. godine

28. Informacija o stanju vodosnabdijevanja sa izvorišta na Općini Breza

Nosilac izrade: JP „Komunalno“ d.o.o. Breza.

Rok: oktobar-novembar 2016.godine.

29. Informacija o broju upisanih studenata sa području Općine Breza upisanih na visokoškolske ustanove.

Nosilac izrade: Služba za finansije, inspekcijske poslove i opću upravu.

Rok: novembar 2016.godine.

30. Rješavanje lokacije deponije otpada na području Općine Breza sa Akcionim planom saniranja divljih deponija na području Općine Breza i zaštite životne sredine.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove i Služba za finansije, inspekcijske poslove i opću upravu

Predlagač: Općinsko vijeće

Rok: Do iznalaženja rješenja

31. Izvještaji o radu određenih komisija Općinskog vijeća za 2016.godinu.

Nosilac izrade: Predsjednici komisija i Stručna služba općinskog vijeća

Predlagač: Predsjedavajući općinskog vijeća

Rok: decembar 2016.godine

32. Razmatranje podnešenih inicijativa od strane vijećnika općinskog vijeća putem kolegija općinskog vijeća (kvartalno svaka tri mjeseca)

Nosilac izrade: Predsjedavajući općinskog vijeća i Stručna služba općinskog vijeća

Predlagač: Kolegij općinskog vijeća

Rok: kvartalno (svaka tri mjeseca)

33. Plan i program razvoja turizma sa akcentom na razvoj seoskog turizma

Nosilac izrade :Služba za finansije, inspekcijske poslove i opću upravu

Predlagač: Kolegij općinskog vijeća

Rok: maj 2016 godine

E) – Ostali poslovi:

1. Pokretanje određenih aktivnosti na iznalaženju zakonskog rješenja za liječenje građana Breze u Kliničkom centru Sarajevo.

Nosilac izrade: Općinsko vijeće i Općinski načelnik.

Predlagač: Općinsko vijeće

Rok: stalan zadatak.

2. Vođenje aktivnosti po pitanju koncesija.

Nosilac aktivnosti:Općinski načelnik i Općinsko pravobranilaštvo,

Predlagač:Općinsko vijeće

Rok:Stalan zadatak

3. Izdavanje potrebnih saglasnosti na akte predviđene zakonom i drugim propisima.

Nosilac zadatka: Općinsko vijeće

Predlagač: Nadležni organi

Rok: po potrebi

4. Pokretanje određenih inicijativa (donošenje izmjena i dopuna zakona) putem Općinskog vijeća prema višim organima vlasti u cilju poboljšanja uslova života građana Općine Breza.

Nosilac zadatka: Općinski načelnik i općinske službe

Predlagač: Općinsko vijeće

Rok: po potrebi

5. Vođenje aktivnosti i iznalaženje rješenja za utvrđivanje lokacije gradskog groblja, te donošenje potrebnih odluka.

Nosilac izrade: Služba za prostorno uređenje,zaštitu okolice, geodetske i imovinsko-pravne poslove.

Predlagač: Općinsko vijeće.

Rok: Do iznalaženja lokacije.

F) – Izbor i imenovanje

Općinsko vijeće će u okviru svojih ovlaštenja razmatrati i donositi rješenja o imenovanjima i razrješenjima iz nadležnosti Općinskog vijeća na bazi prijedloga ovlaštenih predlagača.

SVEČANE SJEDNICE OPĆINSKOG VIJEĆA

R/B	Sadržaj	Nosilac posla	Rok
1.	1.mart-Dan nezavisnosti BiH	Općinski načelnik, Stručna služba Općinskog vijeća i osnovne škole	1. mart
2.	6.april- Dan Općine Breza	Općinski načelnik, Općinsko vijeće	6. april
3.	25.novembar – Dan državnosti BiH	Općinski načelnik, Stručna služba Općinskog vijeća i osnovne škole	25.novembar

NAPOMENA:

Program je sačinjen sagledavajući sve predviđene aktivnosti općinskog načelnika i Službi za upravu iz djelokruga rada općinskog vijeća Breza.

Ukoliko se ukaže potreba za donošenjem novih odluka, kao rezultatom potrebnih usklađivanja sa donošenjem novih zakona ili izmjena postojećih, izvršiće se neophodne dopune ovog Programa.

Općinsko vijeće će pored ovih redovnih poslova, utvrđenih Statutom i Poslovníkom o radu Općinskog vijeća Breza, donositi odluke, rješenja, zaključke, naredbe, uputstva i preporuke, na prijedlog ovlaštenih predlagača, ukoliko se budu ukazivale takve situacije, te zauzimati stavove povodom rješavanja određene problematike iz djelokruga svoga rada u skladu sa zakonom i Statutom Općine Breza.

Zadaci utvrđeni Programom rada su samo okvirni i određeni u minimumu. Ovlašteni predlagači se ovim Programom ne ograničavaju nego od njih vijeće očekuje nove inicijative i prijedloge tokom 2016. godine koje će po podnošenju vijeću shodno utvrđenoj proceduri propisanoj u Poslovníku o radu Općinskog vijeća biti uvrštene u dnevni red sjednica i voditi raspravu o istim, sve u cilju stvaranja pretpostavki za što bolje funkcionisanje općine i što kvalitetnije ostvarivanje prava građana, te privredni prosperitet uopšte.

PREDSJEDAVAJUĆI
Općinskog vijeća
Miro Vrljićak, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 66. Zakona o građevinskom zemljištu („Službene novine Federacije BiH“, broj: 67/05) i člana 19. stav 2. tačka 25. Statuta općine Breza – Prečišćeni test (Službeni glasnik općine Breza“, broj: 8/09 – „Prečišćeni tekst“), Općinsko vijeće Breza na sjednici održanoj dana 28.01.2016. godine d o n o s i

O D L U K U**o utvrđivanju prosječne građevinske cijene 1m² korisne stambene površine na području općine Breza**

Član 1.

Ovom Odlukom utvrđuje se prosječna konačna građevinska cijena 1m² korisne stambene površine na području općine Breza u 2016.godini, u iznosu od 600,00 KM.

Član 2.

Danom stupanja na snagu ove Odluke prestaje da važi Odluka o utvrđivanju prosječne građevinske cijene 1m² korisne stambene površine na području općine Breza broj: 01/1-02-122/15 od 29.01.2015.godine .

Član 4.

Ova Odluka stupa na snagu danom objavljivanja u „Službenom glasniku općine Breza“.

Broj: 01/1-02- 151/16
Breza, 28.01.2016.godine

PREDSJEDAVAJUĆI:
Općinskog vijeća
Vrljičak Miro

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 37 stav 7 i člana 42. Zakona o prostornom uređenju i građenju („Službene novine ZE – DO kantona“, broj: 1/14) i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), Općinsko vijeće Breza na sjednici održanoj dana 28.01.2016.godine, donosi :

ODLUKU**o pristupanju izradi Regulacionog plana
Užeg urbanog područja grada****Član 1.**

Pristupa se izradi Regulacionog plana za uže urbano područje grada Breza.

Član 2.

Regulacionim planom su obuhvaćene zone prema namjeni površina utvrđenoj članom 6. Odluke o provođenju revizire sa izmjena i dopuna urbanističkog plana grada Breze sa prigradskim naseljima („Službeni glasnik Općine Breza“, broj 8/15) i to tačke kako slijedi:

1. dio zone centralne sadržaje
2. individualnog stanovanja
3. mješovito stanovanje
4. stanovanja i javnih sadržaja
5. školski objekti
6. sporta i rekreacije

Koje su oivičene regionalnom cestom sa zapada, ulicom Patriotske lige (Derviševića put) sa juga, i rijekom Stavnjom sa istoka obuhvatajući i Ekonomiju.

Član 3.

Regulacioni plan se donosi za period od 5 godina.

Član 4.**Smjernice za izradu izmjena i dopuna plana**

Na podrobnoj analizi i valorizaciji stvorenog stanja uređenja prostora u obuhvatu plana, treba izvršiti usklađivanje izvedenog stanja sa potrebama korisnika objekata i prostora i ciljevima permanentnog razvoja grada, a kroz rješavanje nastalih konflikata i bolje iskorištavanje svih postojećih prostornih resursa.

Sa posebnom pažnjom razmotriti sljedeće tačke:

- Saobraćajna rješenja gradskih ulica i veza sa regionalnom cestom, povezivanje slijepih ulica u mrežu saobraćajnica
- Poseban accent staviti na saobraćaj u mirovanju, naročito u stambenim zonama, pokušati naći odgovarajući saobraćajni model za gradsko područje
- Povezivanje i artikulacija sportskih i rekreativnih sadržaja sa okolnim zonama i centrom grada , odnosno kompatibilnim sadržajima u gradu, sa obaveznim uključivanjem rijeke kao bitnog i vrijednog resursa
- Zonu sa centralnim sadržajima obogatiti novim oblicima centraliteta
- Stambenim zonama dodati urbane elemente vrtnog grada, ostvariti otvorene socijalne prostore vodeći računa o odmoru stanara i igri djece, te određenim urbanističkim intervencijama dati poseban šarm svakoj od stambenih zona
- usvojeno idejno rješenje za područje bazilike ugraditi u koncepciju plana
- U zoni školskih objekat napraviti jasnu razliku školskog i javnog prostora, sa posebnim osvrtom na saobraćajne tokove i vozila i pješaka, u skladu sa realnim potrebama školskog sistema za vanjskim otvorenim površinama, odgovarajućim urbanističkim parametrima i kapacitetima objekata
- Razmotriti mogućnosti proširenja i zaokruženja funkcije doma zdravlja, i naročito u ovom dijelu obuhvata riješiti konflikte u saobraćaju, uz analiziranje mogućnosti izgradnje suterenskog nivoa garaža, na parkingu ispred bazena, i stvaranjem nove površine za parkiranje i ozelenjavanje ovog dijela grada
- Na površinama javnih sadržaja, planirati adekvatne fizičke strukture za odvijanje kulturnih manifestacija u najširem smislu, tako da se u budućnosti mogu organizirati različiti nivoi kulturno-zabavne ponude sa pratećim i servisnim sadržajima, (predvidjeti izgradnju dvorane odgovarajućeg kapaciteta, prema broju stanovnika, za održavanje predstava, koncerata i projekcija).
- Tampon zonu između ovih sadržaja i glavne ulice, treba ostvariti kao konekciju sa susjednim sadržajima: Spomen obilježja, Gradske džamije, Bazilike i Zantsko-uslužnog centra, i osmisliti je kao otvoreni socijalni prostor, uz naglasak na pejzažnu arhitekturu i upotrebu vrhunskog mobilijara i savremenih sadržaja vizuelne komunikacije
- predložiti način redizajniranja arhitektonskih struktura duž glavnih saobraćajnica
- Ostvariti pretpostavke za likovno-oblikovne elemente koji bi unaprijedili ukupan imidž centra
- Sve prostorne resurse iskoristiti te podići nivo kvaliteta ukupne gradske zone

Član 5.

Nosilac izrade plana je obavezan u plan ugraditi sve stručne ocjene za lokacije u obuhvatu plana, pribavljene od ovlaštenih organizacija.

Član 6.

Izrada regulacionog plana obuhvatit će izradu prednacrtu, nacrtu i prijedloga plana.

Rok za izradu regulacionog plana je 120 dana, od dana potpisivanja ugovora o izradi izmjena i dopuna plana sa odabranim najpovoljnijim ponuđačem.

Član 7.

Sredstva za izradu regulacionog plana obezbjedit će se iz budžeta općine, i kroz finansijsko učešće potencijalnih investitora.

Član 8.

Nosilac pripreme regulacionog plana je općinska Služba za prostorno uređenje, zaštitu okolice, geodetske i imovinsko pravne poslove općine Breza (u daljem tekstu: „Nosilac pripreme“).

Član 9.

Izbor nosioca izrade regulacionog plana izvršit će se u skladu sa Zakonom o javnim nabavkama BiH („Službeni glasnik BiH“, broj: 9/04, 49/04, 19/05, 52/05, 8/06, 24/06 i 70/06).

Član 10

Regulacioni plan će se izraditi prema Uredbi o jedinstvenoj metodologiji za izradu dokumenata prostornog uređenja. ("Službene novine Federacije BiH", br. 63/04, 50/07).

Član 11

U postupku donošenja regulacionog plana, nosilac pripreme za izradu dokumenata prostornog uređenja dužan je osigurati saradnju i usaglašavanje stavova sa svim vlasnicima nekretnina, korisnicima prostora i relevantnim učesnicima u njegovoj izgradnji i uređivanju.

Član 12.

Nosilac pripreme regulacionog plana, utvrđuje Nacrt Izmjena i dopuna plana i podnosi ga Općinskom vijeću na razmatranje.

Po utvrđenom Nacrtu regulacionog plana, isti se stavlja na javni uvid, javnu raspravu u trajanju od 30 dana.

Na osnovu rezultata javne rasprave i stavova Općinskog vijeća, nosilac pripreme će utvrditi prijedlog regulacionog plana i podnijeti ga Općinskom vijeću na usvajanje, uz obrazloženje prijedloga i mišljenja pribavljenih u toku javne rasprave koja nisu mogla biti usvojena.

Član 13.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-171/16
Breza 28.01.2016 godine

PREDSJEDAVAJUĆI:
Općinskog vijeća
Vrljičak Miro, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. tačka 2. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj 28.01.2016. godine, d o n o s i

ODLUKU

o izmjeni Odluke o prodaji gradskog građevinskog zemljišta
broj: 01/1-31-2201/15 Službeni glasnik Općine Breza 8/15

Član 1.

Odluka o prodaji gradskog građevinskog zemljišta, broj: 01/1-31-2201/15 od 30.09.2015. godine, objavljene u „Službenom glasniku Općine Breza“, broj: 8/15, mijenja se u članu 1., članu 3. i članu 4. i to u nazivu investitora:

- umjesto naziva „AURA“ d.o.o. Travnik, treba da stoji Trgovinsko uslužno društvo „AURA-CO“ d.o.o. Travnik, skraćeni naziv „AURA-CO“ d.o.o. Travnik.

Član 2.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1- 02-202/16
Breza, 28.01.2016

PREDSJEDAVAJUĆI
Općinskog vijeća
Miro Vrljičak s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-160/16
Breza, 28.01.2016.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Nacrta Programa obavljanja komunalnih usluga zajedničke komunalne potrošnje u vremenu 15.03.2016. do 15.03.2017.godine, Općinsko vijeće Breza na sjednici održanoj dana 28.01.2016. godine, donosi

ZAKLJUČAK**I**

UTVRĐUJE SE Nacrt Programa obavljanja komunalnih usluga zajedničke komunalne potrošnje u vremenu 15.03.2016. do 15.03.2017.godine.

Po utvrđenom Nacrtu provesti javnu raspravu u okviru vijećnika Općinskog vijeća, predstavnika mjesnih zajednica, predstavnika privrednih subjekata, predstavnika javnih preduzeća i drugih korisnika.

II

Javnu raspravu sprovesti u periodu od 28.01.2016. do 17.02.2016.godine.

III

Za realizaciju zaključka zadužuje se Služba za prostorno uređenje, zaštitu okolice, geodetske i imovinsko-pravne poslove

Dostavljeno:
1x Služba za prost.uređenje,
1x 01/1,
1x a/a.

PREDSJEDAVAJUĆI
Općinskog vijeća
Miro Vrljičak,s.r.
